

Qishloq yo'liga burilganimda adir orqasidan qovun tilimidek oppoq oy ko'tarildi. Gullab yotgan o'riklar xira pardaga burkandi. Yo'l chetidan yangi nish urgan sarimsoq hidi keldi. Kovakni tark etgan ko'klam elchisi qurilladi. To'ncarilib qolgan tilla qo'ng'iz juda yaqinda dizillab-dizillab jim bo'ldi.

Ko'klam nafasi gurkirab turgan mana shu yo'llardan yurmaganimga o'n sakkiz yil bo'lgan. Bu orada qancha suvlar oqib ketdi... Qancha voqealar bo'lib o'tdi...

Yigitlar frontda jon olib, jon berayotgan og'ir kunlar edi. Dala ishlari ayollarga qolib ketgan, hammasi tajang, hammasi asabiy edi. Ularning intizor ko'zlari front yo'lida, qo'llari mehnatda, frontchilarini zoriqtirmaslik, dushmani tezroq yakson qilish uchun tinimsiz ishlar edilar. Stalingrad ostonalaridagi janglarda dushmanning uchta tankini yondirgan qahramon O'sarboy Omonboev oilasi haqida ocherk yozish uchun xuddi shu yo'lidan yurib qishloqqa kelgan edim.

Qishloq ancha fayzsiz bo'lib qolgan, yo'llar o'ydim-chuqur, ish hayvonlarining tinkasi qurigan, yemga yolchimagan sigirlar suttan qolgan edi. Ayollar durustgina kiyinshmas, pardoz-andoz ko'ngillariga sig'masdi. Kimming qanaqaligi bilinib qolgan o'sha paytlarda urushga chap berib bormay qolgan erkak zoti ko'zlariga balo bo'lib ko'rindari.

O'sarboyning xotini Jo'raxon eri frontga ketgan ayollardan brigada tuzib, yuqori hosil olishda butun oblastga ovoza bo'lgan yigirma besh yoshlardagi qora qosh, lo'ppi yuz, ko'krakkor, polvon ayol edi. O'sarboy qahramon unvoni olgan kunning ertasigayoq kelganimda bir voqeanning ustidan chiqqan edim. Jo'raxonning brigadasi ishlayotgan katta yo'l chetidagi terakka qizil etik kiygan xotinchalish bir yigit belidan hali kudungi buzilmagan sakkiztepki atlas bilan bog'lab qo'yilgan edi. Uning atrofini o'rab olgan xotinlar goh xiring-hiring kulishar, goh uni qarg'ashardi. Birov yigitning yuziga upa suradi, birov qoshiga o'sma qo'yadi.

Jo'raxon ikki qo'lini beliga qo'yib unga do'q urardi.

- Shunaqami? Urug'likka qolganmisiz? Bu xotinlarning erlari frontda o'q tagida yuribdi-ya, shularga ko'z olaytirdingmi? Ha, nomard! Hoy, Zebi, labiga qizil surt! Ishdan qaytishda shu ahvolda guzarga olib chiqamiz. Xaloyiq ko'rsin. Basharasiga tupursin. Qani, ish-ishingga jo'na hammang!

Xotinlar yigitni shu ahvolda qoldirib, chopiqqa tushib ketishdi.

Shiyponga chiqayotganimizda Jo'raxonidan bu yigitning gunohini surishtirdim.

- Zebiga aylanishib qopti. Shunday suqsurday eri borki, ko'rganning ko'zi tegadi. Tirkog'iga arzimaydi bu hebbim. Tushlikda Norin bo'yiga kel, sakkiztepki atlas sovg'a qilaman debdi. Ushlab oldik.

Jo'raxon bu gaplarni shunday g'azab bilan aytardiki, ko'zlari chaqnab, peshonalari, tirishib ketardi.

- O'ziniyam shundog' do'pposladiKKi, qo'yib bersam xotinlar o'dirib qo'yishadigan, zo'rg'a ajratib oldim. Eri omon-eson qaytib kelguncha birontasining ham sha'niga yomon gap yuqtirmayman. Issiqmi, sovuqmi hammamiz birga baham ko'ramiz, qaysi birining eridan xat-xabar uzoqsa, baravariga yupatamiz. Birga yig'laymiz, birga kulamiz. Shuning uchun ham ishning og'irligi uncha bilinmay ketadi. Axir bu bechoralarga ham qiyin, avji o'ynab-kuladigan payti...

To kolxoz mehmonxonasiiga yetib borgunimcha mana shu voqeа esimga tushdi. Hozir Jo'raxon ancha qarib qolgandir? O'sarboy urushdan eson-omon qaytib keldimikin?

Mehmonxona qorovuli hali suv quyilmagan hovuz oldida samovarga tarasha solayotgan edi. U yoshi yetmishlarga borib qolgan dilkash chol ekan, alla-pallagacha u yoq-bu yoqdan gaplashib o'tirdik. Gap orasida O'sarboyni surishtirdim.

- Omon-eson keldi. Hozir partkomimiz shu. Juda rejali, yaxshi bola. Bechora ish bilan ovunadi. Bo'lmasa allaqachon g'am yeb qo'yari edi uni. Shu vaqtgacha uylanmadni. Qandoq qilib ham uylanadi...

Cholning gaplariga tushunolmadim. U nima degani? Yo Jo'raxon uning kelishini kutmay, turmush qilib ketganmi, shundoq yigitning yuziga oyoq tirab-a?! Nahotki butun kolxoz ayollarini ko'z qorachig'idek asragan dono xotin unga bevafolik qilgan bo'lsa? Ishonmayman!

- Nima bo'ldi? Jo'raxon...

Nima deyishimni bilmay g'o'ldiradim. Chol boshini sarak-sarak qilib uh tortdi:

- Boyoqish Jo'raxon O'sarboy kelmasdan olti oy burun qazo qilgan edi...

Ikkovimiz ancha vaqtgacha jimb qoldik. Gullab yotgan shaftoli shoxiga osilgan elektr lampasiga o'zini urayotgan yorqanotlar dasturxon ustiga to'kiladi. Hovuz chetidan aylanib o'tgan tsement ariqda to'lib oqayotgan bo'tana suv qirg'oqqa shaloplab uriladi. Chol choynakni etagiga o'rab, bag'riga bosganicha hamon jim edi. Ko'nglim allanechuk bo'lib ketdi. Jo'raxon haqida undan boshqa gap so'ramadim. So'rashga jur'at qilolmadim ham.

- Shunaqa, o'g'lim. Jo'raxon tenggi yo'q asl xotin edi. Xotin kishining qo'lidan shuncha ish kelishiga ana o'shanda ishonganmiz. Jamoa bamisolai bir xonardon-u, Jo'raxon uning onaxoni bo'ldi-qo'ydi. Qani, biron kishi uning yo'rig'idan chiqsa-chi. Kuni bilan dala kezadi, kechalari uyma-uy yurib, a'zolarning tirikchiligidan xabar oladi. Yaxshi gap bilan ilon inidan chiqadi, deganlari rost ekan. Takasaltanglik qiladiganlarga ham qattiq gapirmadi. O'zi o'sha paytda hamma ham bir og'iz yaxshi gapning gadosi edi-da. Birini qizim dedi, birini singlim dedi. Ishqilib, hammani shirin so'z bilan ishga soldi. O'sarboydan surunkasiga yetti oy xat kelmay qo'ydi. Jo'raxonning yuzi kuladi-yu, ichi yig'laydi. Umri qisqa ekan, xatini ham, o'zini ham ko'rmay o'lib ketdi, boyoqish.

Odamzodni ish ovutadi, bo'lmasa g'am yeb qo'yadi. O'sarboyga qarab turib ichim achishadi.

Urushni qarg'ayman. Nima qilsin, iloji qancha!

Chol gapini tugatib, ichkari kirib ketdi. So'rida gilam ustiga tanga-tanga bo'lib to'kilgan shaftoli gullariga qarab xayol suraman. Meni bu yerga boshlab kelgan narsa Jo'raxon haqida kitob yozish niyati edi. Urush yillari frontga madadkor bo'lgan ayollar haqida kitob yozmoqchi bo'lganimda, dastavval xotiramga Jo'raxon kelgan edi. Bu asl xotin haqida biron ta kitob yozilmay turiboq, uning ajoyib hayoti dostoniga aylanib ketganini ko'rdim. Uning jonli, hech qachon o'lmaydigan barhayot umri ko'z oldimdan hayajonli roman sahifalaridek birma-bir o'tardi.

- Mehamon, endi yoting, charchab kelgansiz, xo'roz ham ikkini chaqirdi.

Bari bir yotib uxmlayolmadim. Ochiq derazadan oyning yarim o'rog'i mo'ralab, terakzor orqasiga botib ketdi. Kech shabadasi uy ichiga dimoqqa xush keladigan allaqanday giyohlarning isini olib keladi. Shaftolizorda sa'vaning goh fig'onli nolasi, goh shiddatkor chaqchaqi timmaydi. Juda uzokda, sokin kechaning tinchini buzib daryo shovillaydi.

Ertalab qorovul chol uyg'otganda kun yoyilib qolgan edi. Uzoq-yaqindan traktor shovqini eshitiladi. Qushlarning chug'ur-chug'uri avjda. Chol dasturxon qoqqan joyda musicalar ushoq talashib patillashadi. Tiniq osmonda bu qaynoq, farog'atli maskanni qo'riqlayotgandek laylak aylanadi. Uning oppoq qanotlari quyosh tig'ida dam qilichdek yaltirab, dam oq ipakdek tovlanadi.

- Hozir Usarboy kelib qoladi. Ertalab shu yerda nonushta qilib, keyin dala aylanadi, - dedi chol yelib-yugurib choy damlarkan.

Sal fursat o'tmay ikki kishi keldi. Ulardan qaysi biri O'sarboy ekanini darrov payqab oldim.

This is not registered version of TotalDocConverter
 Ushbu surʼatning oʼsishimiz bilan qolgan, joʼniga haʼha bir kishi edi. Oʼng qoʼlining bosh barmogʼi sargʼayganidan maxorka chekishini bilib olish qiyin emasdi. Nonushta paytida Joʼraxon haqida kitob yozmoqchiligidagi aytdim. Joʼraxon nomini tilga olishim bilanoq Oʼsarboy yangilangan dardini yashirishga urinib, cholning qoʼlidan choynakni olib, oʼzi quya boshladi. Koʼzini yashirish, nima bilandir alahsish uchun shunday qilayotgani sezilib turardi.

- Mayli, - dedi u oftobda joʼjalarini qanoti ostiga olib, surʼayib yotgan tovuqqa tikilib, - juda xursand boʼlamiz.

- Avval Joʼraxon opaning qabrlarini bir ziyorat qilsam degan edim...

Oʼsarboy gʼalati holga tushdi. Uning bu holati, koʼz qarashlari, rangining goh boʼzarib, goh oqarishi Toshkentda boʼlgan bir voqeani eslatib qoʼydi. Tramvayda besh yoshlardagi bir bola yonimga oʼtirib qolib, undan qayoqqa ketyapsan, deb soʼraganimda, uydan detdomga ketyapman, degan edi. Ota-onang yoʼqmi, deb soʼradim. Bor, deb javob berdi bola. Boʼlmasa, dadang ham, onang ham seni yomon koʼrishar ekan-da, detdomga berishibdi, dedim. Oʼshanda bolaning koʼzi olazarak boʼlib qolgan, xuddi Oʼsarboyning holiga tushib, qiyngan edi. Keyin u qiynalama-past ovoz bilan "dadamlarning ham, oyimlarning ham koʼzlari koʼr" degan edi. Juda hijolat chekkan edim, shu murgʼak bola qalbini tirnab yotgan alamli faryodini tiliga chiqarishga majbur qilganim uchun hali-hali oʼzimni kechirolmasdim. Yana nima qilib qoʼydim? Nahotki Oʼsarboyning ham ichida shunga oʼxshash tilga chiqsa, tilni, dilda qolsa dilni kuydiradigan faryodi boʼlsa?! Nima qilib qoʼydim?..

Oʼrtaga juda ham sovuq jimlik choʼkdi. Chol bir yutinib oldi. Oʼsarboy oʼrnidan turib, hovuz boʼyiga borib maxorka oʼradi.

Cholning yupqa labi titrab, zoʼrgʼa: "Joʼraxonning qabri yoʼq. U suvga choʼkib ketgan..." deya oldi.

Tushga yaqin choy bilan ikkovlon piyoda daryo tomon ketdik. Yoʼlda u Joʼraxonning halokatini ayтиb bordi.

- Oʼshanda adirdan sel kelgan edi. Chorvalar hali toqqa joʼnatilmagan, shu daryo chetidagi sayxonda oʼtlab yurgan edi. Sel juda xunuk keldi. Koʼp daraxtni, uylarni nobud qildi. Qoʼy-koʼzilarni oqizib keta boshladi. Suvda mol bilan echki durust suzar ekan. Qoʼy jonivor dumbasidan choʼkib, oʼzini eplolmay qolarkan. Hamma oyoqqa turdi. Joʼraxon jon olib, jon berib oʼzini suvga otar, hali qoʼy, hali qoʼzini oyogʼidan sudrab chiqardi. Kechasi, birov-birovni koʼrmaydi. Yomgʼir savalab turibdi. Birdan choʼpon ota suvning oʼrtasida goh koʼrinib, goh choʼkib, qoʼl silkita boshladi. Joʼraxon oʼsha tomonga suzib ketdi. Chaqmoq nurida daryo oʼrtasida uning koʼylagini bir koʼrib qolganimni bilaman, xolos. Yana chaqmoq chaqqanda daryo betida hech narsa koʼrinmay qoldi. Toʼlqin choʼpon otani narigi qirgʼoqqa irgʼitib tashlabdi. Bir haftagacha qayiq bilan Joʼraxonning jasadini qidirdik.

Topilmadi... Hammamizni dogʼi-hasratda qoldirib ketdi.

Adir oshishimiz bilanoq daryo shamoli esdi. Qirgʼoqqa yaqin kelganimizda xarsang ustida maxorka chekib oʼtirgan Oʼsarboyni koʼrdim. Uning gavdasi kichrayib, yuzidagi ajirlari koʼpayib ketganga oʼxshadi.

Hech birimizdan sado chiqmasdi.

Daryo juda sokin. Joʼraxon azim daryoga aylangan-u, mehnati singgan, peshona teri toʼkilgan dalalar atrofida javlon urib aylanardi. U yuzlab irmoqlardan qon tomiridek oqib, kishilarga, maysa-giyohlarga hayot suvi olib kelardi.

Adirdan terib kelgan lolalarini toʼlqinlar ustiga sochdim.

Daryo shovullar, tiniq, begʼubor koʼkda qushlar javlon urib uchishardi.

1960